

FASO KUMAKAN

Madi Sangare ka taama gabòn.



mali depite jèkulu kuntigi, n'o ye Madi SANGARE ye, o ye taama kë liberewili, gabòn jamana faaba la, farafinna depite jèkulu nyögonye wooronan siratigè la, min këra marisi kalo tile 21 f'a tile 26, san 1983. jèkulu in jamana 26 cèman, jamana 22 de tun bë kënè in kan.

Madi SANGARE tun taamanyögónw ye Musa TURE ye, n'o ye mali sariyataso nyémogó dankan filanan ye ani Ibarahima TANBA-DU n'o y'a sekeretèri zenerali ye.

lajè tun bë fèn minnu kan, olu filè: jagosira n'a yiriwali fèrèw afiriki jamanaw ni nyögón cè farafinna jamanaw ni larabu jamanaw ka lajè n'u ka kumanyögónya; yèlèma donni tòn in sariya 13 nan na; jèkulu in ka nyémogoso joli abijan, o musakako; tòn in ka nyögonye nataw këyörów n'u waatiw ani kuntigi kura sigili-ko.

i n'a fò Madi SANGARE y'a jira cogo min na, nyögonye in kumaw barika bonyara kosèbè, nka u bëe fèsèfèsèra ni hakili ni timinandiya ye. o ye fèn ye, min ye farafinna depite jèkulu kunnawolo ko-sèbè.

tônsigilaw ye kapwèri jamana tanu a donni la tòn in na. o kò u kumara farafinna ni larabu jamanaw ka jèkabaara kan, min bë se ka kè sababu ye ka farafinw ni larabuw ka lawale jè sinsi ka t'a fè, k'an ka yèrèta sabati.o jèkabaara in kònò da sera kalanko, seko ni donko ani sènè ni kënèya sabatili walew yiriwali ma.

Madi SANGARE y'a jira ko larabuw ni farafinw ka kumanyögónya nkaniya tara a tuma la. fan fila nyémogów bëna don sugandi a nyögonye kama.

Madi SANGARE y'a jira a ka jèmukan kònò ko fèn min ye jagosiraw ye Afiriki kònò.

jamanaw ni nyögón cè an nimisalen nyè b'a la k'a fò falenw ka dögö an ka jamanaw ni nyögón cè ka tèmè an ni farajè jamanaw kan. o siratigè la fo an ka sòró taabollow ka bila sira kura kan, ka nyèsin an yèrèw fòlòw ka nafa ma. tònsigi in sen fèerè caman tigèr'o sira kan.

yèlèma min donna tòn in sariya 13 nan na, o ye yamaruya di nyémogów ma, lajèba sen fè u k'u ka jamanaw kunko gèlènw kofò jòona, walasa fura bë se ka sòró u la.

Madi SANGARE y'an ladonniya ko nyögón-yekekèlaw bënnna u ka nyémogoso joli musakaw kan Abijan. a y'a jira ko kabini jèkulù in sigira sen kan kodiwari gofèrènama de jòlen bë n'a ko bëe ye, ni y'o san 7 ye.

zanwuye kalo tile 17, san 1983 dörön de la afiriki depite jèkulu ni kodiwari gofèrènama bënnna tòn sigiliko kan Abijan an'a baarakèlaw saracogow fèsèfèsèli ani tòn bilali a yèrè ka bolo kan.

nyögonyekekèlaw di-yènna n'a ye k'u ka sètanburu kalo, san 1983 tònsigi kè Mogadisiyo, n'o ye Somali galoduguba ye an'u ka san 1984, marisi kalo lajèba 7 nan kè Alize, n'o Alizeri faaba ye.

lajè in kuncèli nyémogoya tun bë Gabón minisiri fòlò dankan, Lunka Kasa Mapisi bolo, min sen fè Gabon sariyataso kuntigi sugandira ka kè Afiriki depite jèkulu ka nyémogó ye san 1983 ni 1984 kònò.

An k'an yèrè dèmè.

Bamananw ko: "ala, n'dèmè n'ka doni in tali la, o k'a sòró i yèrè y'a se i disi la."

Kuma kelen kelen bë ka jamana bëe labò bi. O tè dò wèrè ye ko : dinyè tinyèra... dinyè tinyèra.

Galoduguw sigi ju-yalen bë fo k'a dama tèmè. Binkannikèlaw tè dan k'a ban, nsonw ko tè, kuma tè nanbama. An ka duguw falen don mogo nafantanw na. Yali dinyè tinyèra de wa, i n'a fò an b'a miiri cogo min na ? Ayi, dinyè b'a cogo la, nka yèrèdónbaliw de caya-ra.

Cèmisèn ni npogotigi falenw bëe y'u sèn-sè ka na galoduguw fa fu. U tèna baara sòró, u tèn'u yèrè sòró. O de ye sèn-kèlaw dögöya dugu misèn kònò.

Dén minnu mansaw farala kabini u tè fin ni jè dòn ka bò nyögón na, olu bë se ka ladamu cogo di ?

O tèmènen kò, bangebaga caman n'u ka kòlèw sigilen don dugubaw kònò, k'a sòró dugubakònòsigi se t'u ye. U tè se u yèrè kòrò sanko u ka du. Olu denw bë se ka kè mun wèrè ye ni don dò jigitigedenw tè. On'a ta bëe, bangebaga ninnu tè sòn abada ka taa cikè la bugudaw la. U ka kuma tè dò wèrè ye ko: "ala ye da min tigè n'a ma suman k'a kònò a bë buguri k'a kònò."

Min bë se ka da kan, o ye denmisèn ladamuyorów dögöye an ka jamana kònò. O ye an ka jamana kunko gèlèn dò ye bawo ni denmisèn maladamuyorów sòró kòolu fa bi, sini u na kasobonw fa.

Kenyèkèya dafalar nara kë dörögu ye k'an ka denmisèn tè lafili u yèrèw ma. N'u ye nisondiyafunin ta, u bë sinim sow magèn ka t'u yèrèw kalan hakilintany awalew ni nsonyaw ni binkanniw n'u nyögönnaw la. Sinim kò ye "karate" ye sa fo ka dugujè. Dinyè dinyè lagosira koyi, an balimaw. Ni fali m'a yèrè dòn fèn wèrè ye so kò, a labar bë wolo fèn sidonbla, n'o ye so tè fali tè ye.

Tajifeereyorów, fufafeereyorów ani butikidaw bëe ye gari-budew ye bi, minnu bë delili la u karamögów ye. Bangebaga yèrèw nisondiyalèn b'u lajè o baara la, bawo alako don.

Jamana jigi ye denmisèn minnu ye, n'olu tinyèra, faso joli bë gèléya sini. Wale jugu minnu kofora an fè, olu tè se ka dabila cogo si la fo bangebagaw, lakolikaramögów k'u jò u ka ladamu jöyörö la u denw ye. O kò fè pariti ni gofèrènama fana ka kan ka dò fara u ka cèsiri kan fèerè nyènamaw siri-li la jamana ntulomaw ladamuli n'u la-donni la.



ofisi dèmèbagaw katonsigi

Tarata don, marisi kalo tile 24, san 1983, nyogonye dō kera Bamakó lotoliba la mali dèmèbagaw n'an ka nyémogó dō ni nyogon cè jamana malosènè ciyakèda kan min bē segu marala, n'a bē wele ko ofisi.

Tônsigi in nyémogóya tun bē Umaru KULUBALI bolo, n'o ye an ka minisiri ye min ka baara nyèsinnen b'an ka jamana labèncogo n'a sôrô yiriwali ma.

Umaru KULUBALI fôlô ye kuma ta k'an ka jamana dèmèbagaw fo kosèbè u ka nkaniya kôsón, min b'u la k'u seko damajira k'e an ka sôrô lawulili la, k'a bila

sira tilennen kan. A y'a jira ko yèrèlabô baloko la, o y'an ka jamana kunko gèlènba dô ye bi. Ofisi dun jöyôrô ka bon kosèbè o baara la, A ko ti-nyè don ciyakèda in bê gèlèya la sisani, min ye baarakè mi-



nènko ni, nafoloko gèlèyaw ye, nka ni ni dèmè laser'a ma, a bē se k'a jöyôrô fa baloko la an ka jamana ani farafinna tilebinyanfan jama-na kônô.

Minisiri Umaru Kullubali y'a jira ko ciyakèda in lawulili tê se ka k'e musakaba kô, min se t'an ka jamana ye, an filè yôrô min na. O de kama Mali ye wele bila

dinyè dèmèkè jèkulu bê ma, u k'u bolo don an bolo k'an ka gèlèya ninnu lajè ji nyémajôlen na. Minnu y'an ka wele jaabi a ye foli ni tanuli lase u ma pariti ni gofèrenama togô la.

Môgô filanan min ye kuma ta, o kera an sènèkè konyèw minisiri ye, n'o ye Nfanyanama Kônè ye.

A ka jèmukan kônô, o da sera ciyakèda in taama sira bê ma, min bê se ka Ofisi ka baara yiriwa, k'an jigi fa, ka caman bô an ka baloko hamila. Nganiya minnu tara an dèmèbagaw fê o siratigè la kabini tuma jan, a y'o bê fèfèfè, k'a jira k'u bê ka waleya dôonin dôonin. O nganiya fanba bê malo ni mankala sènè yiriwali kan Ofisi la.

Minisiri Nfanyanama Konè y'a jira ko malo ni mankala sôrô dôgôyali sirilen don fèn caman na, i n'a fô masinw kôrôli n'u tinyèli, badingèw ge-

renni ani baarakè minentanya ani cikèlaw yèrèw ka musakakow walasa u ka se k'u nyèsin u ka baa-ra ma.

A k'o tèmènen kô Ofisi bê nafoloko gèlèyaba de la. An ka sènè konyèw minisiri y'an ladônniya ko fèerè caman sigirâsen kan Ofisi sabatili sira kan. O fèrèw bê se ka waleya waati saba de kônô.

Waati fôlô baara ye Ofisi baaracogo kôrô labènni ye, min bêna Ofisi sukaro bôta sôrô bugun fo ka se tóni 19.000 ma, ka malo ta k'e tóni 120.000 ye. O waati fôlô b'a daminè I983 fo I986 san.

Waati filanan ye ofisi lakurayali ye sôrô yiriwali 'kama.

O waati kuntaala bê se san 5 ma.

Waati sabanan ye dô farali ye ofisi dugukolo sènètaw kan

Minisiri ko tugun ko nin bêe kô fê, dèmè wèrèw ka kan ka k'e ofisi ye walasa baara kofôlen ninnu bê sabati, i n'a fô dô farali a ka wari labaarataw kan; a musakakow jateminèli an'a baarakèlaw kallanni fèn kuraw la, minnu bê se ka ofisi ka sôrô timè.

Mali gofèrenama b'a kanu fana an dèmèbagaw k'a lajè cogô min an bê se ka ofisi kow walawan sira nyuman kan, ka malofarama sannifeere labèn k'a nyè ani ka taafan kuraw don ofisi kôrô.


Mali dèmèbagaw ka jaabi kônô, u ye la-yidu ta ofisi gèlèyaw latèmèni la. O ye fèn ye min ka kan ka fo. O siratigè la malidenw bê ka tanuli ni walenyuman-don bê ka taa an te-riw ye u ka nkaniya nyumanw kôsón.

Mali ni irisila baarakèlaw ka nyogonsirataama

Bakari Karanbe, n'o ye Mali baarakèlaw ka kelenya tonba "UN-TM" nyémogó ye, o ye taama dô k'e kôsa in na irisila jamana kônô.

a y'a jira kibarulaselaw la, Môsuku, n'o ye irisila faaba ye k'a ye taama min k'e irisila, k'a kera fèn nafama ani fèn barikama ye. a ko taama in ye taama-seere nyuman de ye mali ni irisila baarakèlaw ka bolodi-nyogonma ni nyogon-sirataama siratigè la.

a ka taama in sen fê, Bakari Karanbe ni irisila jamana baarakèlaw ka tónba nyémogó Sitepan Shalayèfi ye nyogon ku-



manyogonya. u da se-ra jamana fila baarakèlaw kunkow ma.

u y'a jira ko ja-mana fila baarakèlaw ka tónw bêe haminan-kow ye kelen ye din-yè kunko gèlènw nyè nabôliko la, bén ni hérè ni lafiya donni la hadamadenw ni nyogon cè u ka din-yèla-tigè walew sen fê.

bolond bilara sè-bèn nafama dô la ja-mana fila baarakèlaw ka tónw cèsira yiri-wali kama, sèndika nyémogó fila fê. u y'a nkaniya din-yè baarakèlaw ka fara nyogon kan ka kolonyalisimu kèle, ka hörónya nyini jèku-luw dèmè u ka yèrè-don kèle la.

u benn'a kan san o san mali ka baarakèlaw bila ka taa ka-lan na irisila walasa jamana fila bê se k'u ka dontaw falen cogô min na, ka nyogon sôr hakili la.

Bakari Karanbe n'a ka jama ye taama k'e irisila repibili-ki dô kônô, n'o ye Kazakisitan ye. u ye baarakèlaw ka tónjöyôrô ye yen, k'u ka kétaw dòn.

u taar'u nyèda bagidilan yôrô dô fana kan, u ni min baarakèlaw ye nyogon kumanyogonya.

Alima-ata lakôli-soba kalandenw fana ye mali jèkulu in kumbèn ni bonya ni karama ye.